

## ÁKVÖRÐUN FRAMKVÆMDASTJÓRNARINNAR

2005/EES/49/09

frá 4. apríl 2003

um tímabundna markaðssetningu tiltekins sáðkorns af tegundinni *Triticum aestivum* sem uppfyllir ekki kröfur tilskipunar ráðsins 66/402/EBE (\*)

(tilkynnt með númeri C(2003) 1107)

(2003/244/EB)

FRAMKVÆMDASTJÓRN EVRÓPUBANDALAGANNA  
HEFUR,

SAMÞYKKT ÁKVÖRÐUN ÞESSA:

með hliðsjón af stofnsáttmála Evrópubandalagsins,

I. gr.

með hliðsjón af tilskipun ráðsins 66/402/EBE frá 14. júní 1966 um markaðssetningu sáðkorns<sup>(1)</sup>, eins og henni var síðast breytt með tilskipun 2001/64/EB<sup>(2)</sup>, einkum 17. gr.,

1. Markaðssetning sáðkorns vorhveitis í Bandalaginu sem uppfyllir ekki kröfur um lágmarksspírunarhæfni, sem mælt er fyrir um í tilskipun 66/402/EBE, skal leyfð á tilteknu tímabili sem lýkur 30. apríl 2003 í samræmi við skilyrðin sem sett eru í viðaukanum við þessa ákvörðun, sbr. þó eftirfarandi skilyrði:

og að teknu tilliti til eftirfarandi:

- 1) Á Írlandi og í Belgíu er ekki fyrir hendi nægilegt magn af sáðkorni af yrkjum hveitis (*Triticum aestivum*) sem henta veðurskilyrðum þar og sem fullnægja kröfunum um spírunarhæfni eða þeim sem tengjast akurskoðunum samkvæmt tilskipun 66/402/EBE og þar af leiðandi er ekki hægt að mæta þörfum þessara aðildarríkja.
- 2) Ekki er unnt að mæta þessari eftirspurn svo vel sé með sáðkorni þessara tegunda frá öðrum aðildarríkjum eða þriðju löndum, sem stenst allar kröfur sem mælt er fyrir um í tilskipun 66/402/EBE.
- 3) Því ber að veita Írlandi og Belgíu heimild til að markaðssetja sáðkorn þessara tegunda með vægari kröfum á tímabili sem lýkur 31. apríl 2003.
- 4) Þar að auki skal heimila öðrum aðildarríkjum, sem eru í aðstöðu til að útvega Írlandi og Belgíu sáðkorn þessara tegunda, að markaðssetja slíkt sáðkorn.
- 5) Rétt er að Írland og Belgía séu samræmingaraðilar til þess að tryggja að heildarmagn sáðkorns, sem leyft er samkvæmt þessari ákvörðun, fari ekki yfir það hámarksmagn sem fellur undir þessa ákvörðun.
- 6) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um fræ og fjölgunarefni í landbúnaði, garðyrkju og skógrækt.

a) spírunarhæfnin er a. m. k. 80% af hreinu fræi,

b) á opinbera merkimiðanum skal tilgreina þá spírunarhæfni sem tekin er fram í opinberri athugun sem er gerð skv. d-lið F-liðar 1. mgr. 2. gr. og d-lið G-liðar 1. mgr. 2. gr. tilskipunar 66/402/EBE.

2. Markaðssetning í Bandalaginu á sáðkorni, sem um getur í 1. mgr., skal aðeins heimiluð ef sáðkornið var fyrst markaðssett í samræmi við 3. gr. þessarar ákvörðunar.

2. gr.

1. Markaðssetning sáðkorns vorhveitis, sem uppfyllir ekki kröfur um akurskoðanir, sem mælt er fyrir um í tilskipun 66/402/EBE, skal leyfð á tilteknu tímabili sem lýkur 30. apríl 2003 í samræmi við skilyrðin sem sett eru í viðaukanum við þessa ákvörðun, sbr. þó eftirfarandi skilyrði:

a) Nytjaplönturnar mega ekki hafa gengist undir opinbera akurskoðun eða akurskoðun undir opinberu eftirliti,

b) á merkimiðanum skal koma fram:

i) að sáðkornið uppfylli skilyrðin, sem mælt er fyrir um í I. viðauka við tilskipun 66/402/EBE,

ii) að sáðkornið hafi hvorki við opinbera skoðun eða skoðun undir opinberu eftirliti talist uppfylla skilyrðin samkvæmt framangreindum i-lið.

2. Markaðssetning í Bandalaginu á sáðkorni, sem um getur í 1. mgr., skal aðeins heimiluð ef sáðkornið var fyrst markaðssett í samræmi við 3. gr. þessarar ákvörðunar.

(\*) Þessi EB-gerð birtist í Stjtið. ESB L 89, 5.4.2003, bls. 39. Hennar var getið í ákvörðun sameiginlegu EES-nefndarinnar nr. 104/2003 frá 26. september 2003 um breytingu á I. viðauka (Heilbrigði dýra og plantna) við EES-samninginn, sjá EES-viðbæti við Stjórnartíðindi Evrópusambandsins nr. 64, 18.12.2003, bls. 10.

<sup>(1)</sup> Stjtið. EB 125, 11.7.1966, bls. 2298/66.

<sup>(2)</sup> Stjtið. EB L 234, 1.9.2001, bls. 60.

## 3. gr.

Allir fræsalar, sem óska eftir því að setja á markað fræ sem um getur í 1. og 2. gr., skulu sækja um það til þess aðildarríkis þar sem þeir hafa staðfestu.

Viðkomandi aðildarríki skal heimila fræsalanum að setja fræið á markað, nema:

- það hafi ígrundaða ástæðu til að efast um að fræsalinn geti sett á markað það magn af fræi sem hann hefur sótt um leyfi fyrir, eða
- heildarmagnið, sem er leyfilegt að markaðssetja samkvæmt viðkomandi undanþágu, fari yfir það hámarks-magn sem er tilgreint í viðaukanum.

## 4. gr.

Aðildarríkin skulu veita hvert öðru stjórnsýsluástoð við beitingu þessarar ákvörðunar.

Írland skal vera samræmingaraðildarríki að því er varðar 1. gr. og Belgía að því er varðar 2. gr. til þess að tryggja að heildarmagnið, sem leyfið tekur til, fari ekki yfir það hámarksmagn sem tilgreint er í viðaukanum.

Öll aðildarríki, sem fá umsókn skv. 3. gr., skulu þegar í stað tilkynna samræmingaraðildarríkinu um það magn sem umsóknin tekur til. Samræmingaraðildarríkið skal þegar í stað upplýsa tilkynningarríkið um það hvort samþykkt leyfis myndi leiða til þess að farið yrði yfir hámarksmagnið.

## 5. gr.

Aðildarríkin skulu þegar í stað tilkynna framkvæmdastjórninni og hinum aðildarríkjunum um það magn af fræi sem þau hafa veitt markaðsleyfi fyrir samkvæmt þessari ákvörðun.

## 6. gr.

Ákvörðun þessari er beint til aðildarríkjanna.

Gjört í Brussel 4. apríl 2003.

*Fyrir hönd framkvæmdastjórnarinnar,*

David BYRNE

*framkvæmdastjóri*

## VIDAUKI

(í tonnum)

Tegund	Tegund yrkis	Hámarksmagn
<i>Að því er varðar 1. gr.</i>		
<i>Triticum aestivum</i>	Alexandria, Ashby, Baldus, Chablis, Raffles	750
<i>Að því er varðar 2. gr.</i>		
<i>Triticum aestivum</i>	Baldus, Cadenza, Minaret, Pasteur, Quattro, Thasos, Tinos	1 500